

www.Trella.org – الجزء الأول من حقيقة ليكس الذي

عرض على شاشة تلفزيون الجديد



سعد : هلاً لا أنا , ولا أنت ولا مراد ولا جيرالد ولا آندي .. ولا واحد بكل لبنان ولا واحد بكل سوريا شاكك إنو هني عاملينها

زهير : ما حدا شاكك

سعد : يعني هني اللي عاملينها . طيب نحنا عم نتعامل مع دول . هالدول العربية اذا ما بتجبلها دليل قاطع إنو النظام السوري بكذا وكذا وكذا وبدليل كذا وكذا إنو هم مشتركين , في عندهم مشكلة .. خليني كمل

زهير (يقاطع) : قبل ما تكمل , في نقطة لحظة شوي , اذا بدك تحكي هيدا الكلام بدك ترد عليهم بالذي أسأؤوا فيه إلي .. هاي اول شي بالنسبة للدول العربية , قبل الاجنبية

زهير : ما بعرف. ما بدي إحكي كلمة إلا أنا كون مسؤول عنها وسام لأنه بدها تصير مواجهة , بدي واجه ناس أنا, ما بدي إحكي كلمة يقول لي هيدي إيمنى

سعد : إيمنى بدك تجيب 1 و2 و3 ؟

زهير : من اللي هلاً عم بيساوو التفجيرات في لبنان. أنا بجيبهم .. أنا بجيبهم وبجيب أبوهم. شغلتي هاي , هاي شغلتي, انا اللي بجيبهم. (يتابع توجيه كلامه لسعد) التلفون اللي دقيتك ياه انو رح بيعتوا عشرين واحد .

التلفون اللي قلتك ياه انو بدها تبتلش التفجيرات, صارت ؟ وعم تشوفها ولسه . دقيتك تلفون اول مبارح بالليل بتتذكر, شفت المكالمة ؟ دقيتك اول مبارح بالليل (يؤكد)

سعد : إمم

زهير : ما رديت علي, دقيتك مرة ثانية, قلت يمكن نام يمكن الصبح بيدقلي, لأقول لك إنو في عبوة بدها تروح على آل بي سي, طلعت بمى (الشدياق) راحت مي. في عندي ناس أنا قلتك لهلاً..

سعد : انت عادة بدك تحكيني بتبعلتي ماسيج (رسالة)

زهير : وقت الضرورة ؟ مني عرفان شلون ابعت الماسيج, عم اكتبك "أنا" أحيانا

سعد : إيه , بس عم بعرف إنو إنت.

زهير : دقيتك يومها اكثر من مرة, رنييت رنييت رنييت, ما رديت. تاني شغلة انت رئيس كتلة المستقبل , دريت انت إنو نبيه بري نزل على سوريا وهو بإسبانيا؟

سعد : هو ما كان بإسبانيا.

زهير : لأ راح على إسبانيا. ودريت إنت إنو نزل على سوريا ؟ وقبل ما يجي على لبنان بأربعة أيام حصراً ؟ وقابل حسن نصرالله مع بشار الأسد لمدة ساعة ونص ؟ وتأكد من هالمعلومة

زهير : (يخاطب الحريري) قبل ما تروح ترجملو كلمة, قل له ان زهير ما رح يخليكن تكونوا للعالم نظرة, لا , قل له (لليمان) ان الحقيقة عنده (للصديق) وبإذن الله كلها كاملة رح تكون, يعني ما في مجال

سعد : (يترجم مضمون كلمة زهير بالإنكليزية , ثم يضحكون)

زهير : قيل ما تروح فهمني شغلة بس قبل ما تروح, هلاً نحنا وين بدنا نروح, عالييت ما .. أنا اذا بدى إنزل على لبنان, مرتي (زوجتي) وين بتضل ؟ هون ؟ لأ , يا بالسعودية , يا إما اخوها من لبنان بيحي..

سعد: من جيبو لهون خلص

زهير : انا اذا بدى انزل على لبنان , زوجتي وين رح بتضل, هون لا, اما بالسعودية او يأتني اليها أخوها من لبنان.

سعد : (يتحضر للمغادرة)

زهير : مستعجل شيخ سعد؟ (بصوت مرتفع)

سعد : انا عندي اجتماعات.

زهير : عندك اجتماعات, بدي منك تنزلني اقعد سبعة أيام بتصرف هالزلمي (ليمان) وهو بتصرفي. نفذلي إياها 7 أيام حتى اجبلك واحد واثنين واسلمك خلية كاملة تعمل على الأرض.

وسام : ما في مشكلة.

وسام الحسن : خليني اقول لك , شو بتعرف عن دور الأحباش بالموضوع, غير موضوع أبوعدس, كان لهم شي دور معين

زهير : بشو؟

وسام : ما بعرف, على مسرح الجريمة..

زهير : بموضوع الحريري, بعرف ان هني اللي أمنوا أبوعدس. بموضوع الحريري

وسام : (يترجم بالإنكليزية).

زهير : أما بموضوع العيراني, الأحباش اللي قتلوه, رمزي عيراني هني اللي قتلوه

وسام (يوصي المحقق) : اكتبها على ورقة انهم هم أمنوا ابوعدس

زهير (يضحك ويخاطب المحقق): أندي تذكر ابوعدس وهيدول الأحباش

وسام الحسن يشرح لزهير المطلوب منه في بيروت (بشكل تلقين)

وسام : انت قلت في السابق انك كنت في 4 الشهر (شباط) تركت سوريا ولم تعد الى لبنان. الآن انت قررت او بالأحرى أبلغتنا انو لا, انو كنت موجودا في لبنان كل الوقت حتى بعد 4 الشهر, وكنت على مسرح الجريمة في 14 الشهر (شباط)

وسام (يتابع) : بشكل عام تقول لهم, تقول إنو انا شو اللي حصل , كيف كنت وشو صار على مسرح الجريمة , بشكل عام , وبعدين ببيروت بترجع تعطي كل شي بالتفصيل

زهير : وين ببيروت

وسام : عندهم هني

وسام يتفاوض مع زهير ليقول كل ما لديه امام المحققين وعندما ينتقل الى لبنان

وسام : بصوت خافت) زهير , لازم تعطينا كل شي

زهير : ما بشوف سعيد ميرزا حتى يطلع القرار الإتهامي

وسام : انا بوعدك اذا بتعطيني كل شي

زهير : انا مو خايف من سعيد ميرزا

وسام : (يتشهد) انا بوعدك اذا بتعطيني كل شي , ما بتشوف سعيد ميرزا ليطلع القرار الإتهامي وحتى بعد القرار الإتهامي

زهير : إيه معليش انا بس يطلع القرار الإتهامي بشوفو . بس المهم , وسام لفهمك شغلة.

سعد الحريري: هيدا إباد.

وسام الحسن: ما كان مسؤول؟! كان مسؤول عن أمن الدولة بمطرح منا محظورة هلق

سعد الحريري: مش معقول يكون بيعرف كل هذه المعلومات

ليمان: إنه معروف جداً في دوائر المخابرات

الآن يوجد 9 صور له, يمكن أن تأخذوا جميع الصور, قد لا يكون معروفًا لكم ولكن نملك 9 صور له ويمكن ان تأخذوها

وسام الحسن: هل يمكن ان نأخذ صور لجميع هوياته

ليمان: نعم طبعاً

وسام الحسن: هوياتهم الأمنية

ليمان: نملك هوياتهم الطبيعية

الحسن: مع رتبة أم من دون رتبة

المحقق: هو إخترع شيء

(يضحك الجميع)

ليمان: كان يقول شيء (الصديق) عن يوم 14 شباط

الحسن: تعالوا لا نعود الى تاريخه

ليمان: لا، لا، لا نحتاج الى الاثنين

الحسن: (اوكي)

المحقق: المشكلة انه ارسلنا عدة مرات وقال لنا إذهبوا الى المستشفى

اذهبوا الى المدرسة.. اذهبوا الى هنا والى هناك... والوضع كان متشابه لكنه لم يكن

سعد الحريري: تعلم شيء، حين تذهب الى المدير والمدير يقرأ جرائد ويعرف أن زهير الصديق

الحسن: يعرفه، ويعرفه، بيعرفوا وقال أنا بعرفو وقال أنا بعرفو، بس قال ما إجا لاعندي وأخذ الافادات مع هيدا الرلمي، بس

قال انا بعرفو، ما قال ما بعرفو، بس قال إني عليه مصاري مليون وثلاثمئة الف، قال أنا بعرفو

سعد الحريري: مديونلو

وسام الحسن: مديونلو، زهير مديونلو، آخذ منه ثلاثة ملايين وردلو مليون وسبعمئة وبعد إلوا معو مليون وثلاثمئة الف

سعد الحريري: يعني الرلمي متو كذاب

وسام الحسن: بيعرفو، مدينلوا بالمصاري

سعد الحريري: بيعرفوا شو إنو ضابط

وسام الحسن: بيعرفوا, زهير الصديق بيعرفوا شخصياً, مدينلوا بالمصري

سعد الحريري: خليني قلّك شغلي, أنا كمدير مدرسة بيجي لعندي 600 أب كل واحد بيجي مع أب ما عم اتذكر

وسام الحسن: هو بيعرفوا شيخ سعد, بيعرفو

محقق: يوجد مسألتين, اولاً ان يقول انه فعلاً ضابط ويقول للسوريين انه فعلاً ضابط

ليمان: شو كان دوره في 14 شباط

وسام الحسن: هل عرضوا عليك الاميركان الصورة؟ يوجد بحوزتي صورة من الاكاديمية العسكرية عام 1995 وليست من اليوم ولكنها تبقى صورة لي حين تخرجت

ليمان: ولكن استمع إذا لم يكن ذي مصداقية هذا سيظهرنا "كوميكيين"

سعد الحريري: إذا أرسل لنا متهم طعم لما كانوا اعطوه تأشيرة في السفارة السعودية

ليمان: إنت متأكد من أن تجميع المعلومات عنه يفيد ولكن في الوقت الحالي المفيد

المحقق: انت تسأله سؤال وهو يجيب ليس بب بب بب.. المفيد لي هو واحد اثنين ثلاثة اربعة

سعد الحريري: إن كنت مديراً للمدرسة هل تعلم على كم أب اتعرف, اتعرف على حوالي 500 على حوالي 1000 أم وأب

لن اتذكر أن اتى أب وابنه يسلم عليا, لن اتذكر, مستحيل, أنا اليوم اتعرف على شخص وبعد يومين لن اذكر الشخص

ليمان: يجب ان نجد ملف هذا الشخص

ولكن من أبريل أو June هو هكذا ولكن ليس أكثر

سعد الحريري: دعني اقول شيء يا جماعة هم بدأوا يكتشفوا عن زهير منذ حوالي شهرين او من شهر ولكن ليس قبل

وسام الحسن: حين ترك في ابريل عرفوا انه معهم وثم ذهب الى "ماربيا".

المحقق June: لا أظن July

وسام الحسن: ولكن حتى قبل ذلك حين ذهب الى سوريا منذ بداية ابريل اظنهم علموا

سعد الحريري: انتهى منه الآن وتعال الي.. يمكن ان تجري مقابلة او مقابلتين معم, تحتاج الى حوالي الساعة او الساعة والنصف

TRELLA.ORG